



Te whai hua - kia ora!

sorted
in Schools

Te Waihanga Uiui pāngarau

Ingoa:

NGĀ KAUPAPA A SORTED

Te penapena, KiwiSaver, me te haumi

TAUMATA

2

WHIWHINGA

3

AS91263 (putanga 3)

Pāngarau me te Tauanga

Te waihanga i te uiui
pāngarau

Nau mai, haere mai!

Nau mai ki te kōwae Waihanga Uiui pāngarau.

He wāhanga tēnei kōwae nō tētahi hōtaka rauemi ako NCEA e wātea ana hei tiki atu māu i Te Whai Hua - Kia Ora!

Ko ērā atu puka i tēnei kōwae:

- **He puka ākongā** hei āwhina i a koe ki te whakawhanake i ō pūkenga, i ō mātauranga, me ō māramatanga e tutuki ai i a koe tētahi paerewa paetae NCEA.
- **He puka whakaharatau** e āhei ai tō whakamahi me tō whakaū i ō akoranga.
- **He puka whakautu** hei hoa haere mō te puka whakaharatau.

Katoa ngā puka nei ka tukua hei kōnae Word, hei kōnae PDF rānei, hei tā, hei whakamahi rānei ki te ipurangi. Ki te whakamahia ki te ipurangi, ka āhei tō patopato i ngā whakautu ki te puka whakaharatau.

I a koe e mahi ana i ngā mahi o tēnei kōwae, ka whakaoti koe i ngā ngohe e rite ai koe mō te aromatawai ā-roto, AS91263: Te waihanga i te uiui pāngarau (putanga 3).



Ngā Paearu Aromatawai

Paetae	Kaiaka	Kairangi
Te waihanga i te uiui pāngarau.	Te waihanga i te uiui pāngarau me te parahau i ngā mahi.	Te waihanga i te uiui pāngarau me te whakaatu aroā tauanga.

Ki te tutuki i a koe te AS91263 ka riro i a koe ngā whiwhinga e toru o ngā whiwhinga Pāngarau 10, i te Taumata 1, o runga ake rānei, e hiahiatia ana mō te Urunga ki te Whare Wānanga (UE). Anei ētahi atu kōwae a Te Whai Hua - Kia Ora! hei āwhina i tō whai i ngā whiwhinga mō Te Reo Matatini, me te Pāngarau:

- **He Mea Hira te Moni** (AS91026, Taumata 1, e 4 ngā whiwhinga).

He Kōrero mō Te Whai Hua - Kia Ora!

He hōtaka āheitanga ahumoni a Te Whai Hua - Kia Ora! e hāngai tika ana ki te Marautanga o Aotearoa, ā, he mea utu e te kāwanatanga. Kāore he utu o te whakamahi, ā, ko tā Te Whai Hua - Kia Ora! he āwhina i ngā taiohi o Aotearoa ki te whakawhanake i ō rātou pūkenga moni.

He aha i hira ai te āheitanga ahumoni

He pūkenga whai take ā-oranga te whakahaere pai i ngā moni. Ko te tikanga o te āheitanga ahumoni ko te mōhio ki ngā mātauranga, ki ngā pūkenga, ā, e whakamanawa ana ki ngā whakataunga ahumoni pai, ahakoa te pakeke, ā, ka tutuki i a rātou ngā whāinga i ā rātou whakataunga. Heoi, e ai ki ngā rangahau, e whakaraerae ana te hunga 16-24 te pakeke ki te noho nama, ā, ka whakatōmuritia rātou i tēnei. Hei āpitihanga atu, ko te 80 ōrau hemihemi o te hunga i wehe i te kura i kī mai i hiahia rātou kia nui ake te whakaakongia o rātou ki ngā āhuatanga ā-moni i a rātou i te kura. E whakarerekē ana mātou i tērā! Ka āwhinatia koe e ā mātou rauemi kia tika ai te tīmata o tō hīkoinga ahumoni. Ki te wawe ake tō mōhio ki ngā mahi moni, ka rarawe ake tō hīkoinga i te ao nei.

Whakapakaritia tō āheitanga ahumoni i a koe e ako ana i ngā āhuatanga o te Waihanga Uiui pāngarau

He mea waihanga tēnei kōwae hei āwhina i tō whakatutuki i te aromatawai NCEA, hei whakakī hoki i tō kete āheitanga ahumoni.

Ko ngā āhuetanga o te āheitanga ahumoni ko te whakawhanake pūkenga e whakamanawa ake ai koe ki te whakahaere me te whakamahi moni, e tutuki ai ō whāinga i tēnei wā, i ngā rā hoki kei mua i te aroaro.

Kei roto katoa i ngā rauemi ako katoa a Te Whai Hua - Kia Ora! ngā huatau āheitanga ahumoni, ngā kaupapa rānei a Sorted, hei āwhina i tō whakawhanake i ō pūkenga ahumoni, i ō mātauranga, me ō whanonga ahumoni. Ka kite koe i ēnei kaupapa a Sorted i tēnei kōwae.



Te penapena



Te KiwiSaver




Te haumi

Ka kitea ngā rauemi e hāngai ana ki ngā kaupapa e toru nei i ngā **whārangi hei mahi a ngā ākongā i te pae tukutuku a Te Whai Hua - Kia Ora!** Pāwhiria te Kaupapa, ka tīpako ai i tētahi kōwhiringa i te tahua takaiho. Kei roto i ēnei rauemi ko ngā pukapuka, panahiko, pārongo whakairoiro, ataata, me ngā mahi pāhekoheko. E taea ana ngā momo rauemi rerekē te rapu mā te kōwhiringa Arapāho.

Ko te tino aronga o tēnei kōwae ko te whai kia mārama koe ki ō uara, ki ō whakapono, me ō whanonga e pā ana ki te moni. Tirohia te hoahoa kei ngā whārangi e whai ake nei e whakaatu ana i ētahi o ngā āhuetanga e whakaaweawe nei i te hanga o tō kete āheitanga ahumoni. Ka kite pea koe ko te mōhio ki ngā āhuetanga o te moni tētahi wāhanga iti noa iho o te kaupapa nui nei. He wāhi nui tō ngā āhuetanga pēnei i te waiaro ā-moni o ō tātou whānau, o ō tātou ahurea rānei, tae atu ki ō tātou waiaro me ā tātou ritenga, me ō tātou kare ā-roto e pā ana ki te moni.



Ka hiahia pea koe ki te tūhura i ngā āhuetanga o te tuakiri ahumoni i a koe e waihanga ana i tōu ake uiui pāngarau mō tō aromatawai.



Ngā rauemi


E hiahia ana rānei koe ki te ako e pā ana ki tō tuakiri ahumoni me tana whakaaweawe i ō whakahaerenga moni? Ko ngā rauemi a Te Whai Hua - Kia Ora! e hāngai ana ki tēnei kōwae, ko:

- **Thinklinkers i te pae tukutuku a Te Whai Hua - Kia Ora!** e tūhura ana i ngā āhuatanga e hāngai ana ki te tuakiri ahumoni.
- **He aha ngā āhuatanga e whakaaweawe ana i taku tuakiri ahumoni?** Tūhuratia ngā āhuatanga motuhenga o tō tuakiri ahumoni i whakaaweawetia e ngā wāhi, e ngā tāngata, e ngā whakapono, e ngā ahurea, me te hapori.

Ka kitea ētahi atu rauemi i te **whārangi Hei Mahi mā te Taura i te pae tukutuku a Te Whai Hua - Kia Ora!**



Kei wareware te mātaki i te ataata e haere tahi nei me tēnei kōwae:
Te Waihanga Uiui pāngarau.



Te horopaki ka tūhuratia i te kōwae Waihanga Uiui pāngarau

Putā noa i te kōwae, ka ako koe i ngā āhuetanga o tētahi rangahau i poua ki te uiui pāngarau, e whakamahia ana hei rangahau i te pānga o te tuakiri Māori ki ngā whakataunga ahumoni. Ko Tākuta Carla Houkamau tētahi o ngā kairangahau matua, ā, he Ahorangi Tuarua ia i ngā mahi Whakahaere me ngā Pakihi o te Ao Whānui i Waipapa Taumata Rau.

Tākuta Carla Houkamau:

He mea waihanga Te Rangahau o Te Tuakiri Māori me Nga Waiaro ā-Pūtea (MIFAS) hei ine i te āhua o tā te tuakiri Māori tērai i ngā whakataunga ahumoni, me te āhua o tā te 'Māori angitu hei Māori i te ao ohaoha' me tana whai pānga ki ngā putanga ohaoha.


Ko tā mātou whāinga i tēnei rangahau he whakautu i tētahi o ngā pātai matua kei mua i te aroaro o te ao Māori o nāianei: Me pēhea tā tātou whakatipu i ngā pūkenga rakahinonga Māori me ngā pūkenga kakama i te ao ohaoha?

[Te hōngere TiriAta a MIFAS](#)

[Te pae tukutuku a MIFAS](#)



Ka tukuna e Tākuta Houkamau ōna tino mōhiotanga e pā ana ki te tukanga i whakamahia e tōna rōpū ki te whakarite i tā rātou uiui pāngārau me te whakahaere i tā rātou uiuinga whānui. He āwhina kei roto i te ako i tā rātou tukanga waihanga mō āu ake whakataunga i a koe e waihanga ana i tō uiui pāngarau. He mea nui tēnei nā te mea i te Taumata 2 o ngā aromatawai NCEA Tauanga katoa, me mātua whakaatu koe i tō mōhio ki te whakamahi i ngā tukanga tatauranga i te ao nei.



Te tirohanga whānui ki ngā kaupapa

Anei tētahi tirohanga whānui ki ngā kaupapa ka tūhuratia e koe i tēnei kōwae:

- **Kaupapa Tuatahi: Te pūtake me te hunga mā rātou ngā raraunga o ngā uiui pāngarau**
He aha i pai ai ngā uiui pāngarau ki te kohikohi raraunga, ki te uiuinga whānui, ki te hurihanga tūhuratanga tauanga a PPDAC, me te tautuhi i te pūtake me te hunga mā rātou ngā raraunga o tētahi uiui pāngarau.
- **Kaupapa Tuarua: Te tautuhi i te taupori whāiti me ngā tīpakonga taupori**
Te tautuhi i te taupori whāiti, te tatauranga me te tīpakonga rānei, te tīpakonga taupori, ngā anga tīpako, me ngā hapa tauanga (tīpako me te tīpako-kore).
- **Kaupapa Tuatoru: Ngā tikanga matatika i a koe e waihanga uiui pāngarau ana**
Te whakatutuki i ngā tikanga matatika i a koe e waihanga uiui pāngarau ana, te puata, te tūmataiti, te kauawhi, me te whakaae i runga i te mōhio.
- **Kaupapa Tuawhā: Ngā momo pātai**
Ngā momo pātai kati pēnei i te kōwhiringa maha, ngā āwhata whakatau me ngā āwhata Likert; ngā momo pātai tuwhera, tae atu ki te whakahoahoa kupu me te whakaoti rerenga.
- **Kaupapa Tuarima: Te hiranga o te waihanga pātai papai**
Te hono i ngā pātai ki te pūtake, te whakamahi i te reo māmā, me ngā kupu āwhina e pā ana ki te whakatakoto i te uiui.
- **Kaupapa Tuaono: Te whakaraupapa i tō uiui pāngarau**
Ngā wāhanga o te uiui pāngarau, tae atu ki: te ingoa, te kupu whakataki, ngā tohutohu, te raupapa, te takoto, te whakahoki kōrero, me te mihi.
- **Kaupapa Tuawhitu: Te whakahaere i tētahi arotake whānui**
Te tiro tiro i te takoto o ngā kupu, te whakatakotoranga, me ngā pātai o tō uiui pāngarau hukihuki.
- **Kaupapa Tuawaru: Te whakahaere i tētahi uiuinga whānui tōmua**
Te pūtake o ngā uiuinga whānui tōmua me ngā huarahi hei kohikohi whakahokinga kōrero.
- **Kaupapa Tuaiwa: Te huritao ki te tukanga**
Me pēhea e arotakengia ai tō tukanga me tō waihanga uiui pāngarau.



Ka pēhea te aromatawai i a koe

I tēnei aromatawai, ko tāu he waihanga i tētahi uiui pāngarau. Ka aromatawaitia te tukanganga i whāia e koe ki te waihanga i tō uiui pāngarau, tae atu ki ngā putanga whakamutunga. Nō reira, me pupuri e koe ngā kōrero mō ngā panonitanga i oti i a koe, puta noa i āu mahi, me ngā take i panonitia ai e koe. Ka āhei tō whakamahi i ngā Whai Whakaaro i te Puka Whakaharatau e tutuki ai i a koe tēnei herenga.

Hei te otinga atu, me tuku koe i tētahi **pūrongo** e pā ana ki tō tukanganga waihanga uiui pāngarau me te uiui pāngarau whakamutunga.

Matapakina i te taha o tō pouako ngā kōwhiringa mō te whakaatu i tō pūrongo, hei tauira, me pūrongo ā-tuhi, me pūrongo ataata, me pūrongo ā-waha rānei.

Me mātua kuhu ēnei āhuratanga ki tō pūrongo:

- **He kupu whakataki** – he whakamārama i te pūtake o tō uiui pāngarau me tētahi whakarāpopototanga o ngā mōhiohio matua ka puta i tō uiui pāngarau e pā ana ki tō taupori whāiti.
- **Te tukanganga waihanga** – he kōrero mō te tukanganga i whāia e koe ki te waihanga i tō uiui pāngarau, e whai whakaaro ana ki te pai o te hāngai o tō uiui pāngarau ki tōna pūtake.
- **Te uiui pāngarau** – tētahi tāruatanga o tō uiui pāngarau whakamutunga. E āhei ana tō tuhi, tō patopato, tō whakamahi rānei i tētahi taupānga motuhake pēnei i te Google Forms, i te Microsoft Forms, i te SurveyMonkey rānei.
- **Ngā āpitihanga** – ngā taunakitanga o tō tukanganga waihanga, pēnei i te hautaka, i te puka pūrongo rānei, e hono ana ki:
 - tō uiui pāngarau hukihuki (tuatahi)
 - ngā hua o tō arotake whānui me āu panonitanga hei urupare ki ērā hua
 - tētahi whakarāpopototanga o ngā whakahokinga kōrero i tō uiuinga whānui tōmua, tae atu ki ngā tauanga me ngā kauwhata.

Ka aromatawaitia koe i runga i te kounga o tō pūrongo, tae atu ki ō kōrero me ō whakamārama e pā ana ki te tukanganga waihanga uiui pāngarau, me te pai o tō whakahāngai i ēnei ki te horopaki.



Kei te tūtohi nei tētahi whakarāpopototanga o ngā taunakitanga me mātua tutuki e puta ai te ihu i ngā taumata rerekē:

Ngā taunakitanga/ whakawānga mō te Paetae	Ngā taunakitanga/ whakawānga mō te Kaiaka	Ngā taunakitanga/ whakawānga mō te Kairangi
<p>Ka taea e au:</p> <ul style="list-style-type: none"> • te pūtake o taku uiui pāngarau te whakamārama • te tautuhi te rōpū ka whakamahi i te huinga raraunga • te whānuitanga o ngā kōrero ka puta i te uiui pāngarau te paku whakamārama • ētahi pātai tīmatatanga mō te uiuinga whānui te tuhi me: <ul style="list-style-type: none"> • ngā taurangi e hāngai ana • ngā inenga tika mō ia taurangi • ngā momo pātai maha e tika ana. • te hōmiromiro taku uiuinga whānui mā: <ul style="list-style-type: none"> • te whakahaere i tētahi arotake whānui • te whakahaere i t/ētahi uiuinga whānui tōmua, tae atu ki te kohikohi me te hopu raraunga. 	<p>Ka taea e au:</p> <ul style="list-style-type: none"> • te pūtake o taku uiui pāngarau te whakamārama • te tautuhi te rōpū ka whakamahi i te huinga raraunga, me ōna whakamārama • te whānuitanga o ngā kōrero ka puta i te uiui pāngarau te whakamārama • ētahi pātai tīmatatanga mō te uiuinga whānui te tuhi me: <ul style="list-style-type: none"> • ngā taurangi e hāngai ana • ngā inenga tika mō ia taurangi • ngā momo pātai maha e tika ana. • te whakahāngai ngā wāhanga o te waihanga uiui pāngarau ki te horopaki, hei tauira: <ul style="list-style-type: none"> • mā te whakamārama i te hāngai o aku pātai ki te pūtake o taku uiui pāngarau 	<p>Ka taea e au:</p> <ul style="list-style-type: none"> • te pūtake o taku uiui pāngarau te whakamārama • te tautuhi te rōpū ka whakamahi i te huinga raraunga, me ōna whakamārama • te whānuitanga o ngā kōrero ka puta i te uiui pāngarau te āta whakamārama • ētahi pātai tīmatatanga mō te uiuinga whānui te tuhi me: <ul style="list-style-type: none"> • ngā taurangi e hāngai ana • ngā inenga tika mō ia taurangi • ngā momo pātai maha e tika ana. • te tuitui ngā mātauranga tauanga, horopaki hoki, ki te pūtake o te uiuinga whānui, hei tauira:

<ul style="list-style-type: none"> • taku uiui pāngarau te whakapai ake, e ai ki ngā hua o te uiuinga whānui. • te tuhi te tukanga waihanga, tae atu ki te tuku i ngā kape hukihuki me ngā kape whakamutunga o taku uiui pāngarau. 	<ul style="list-style-type: none"> • mā te whakamārama i te take ka whai hua ngā raraunga ka kohia e taku uiui pāngarau ki te hunga mā rātou te huinga raraunga. • te whakamārama ngā whakataunga e hāngai ana ki te tukanga waihanga, hei tauira: <ul style="list-style-type: none"> • he aha i kuhuna ai e au tētahi pātai, i kore ai rānei i kuhuna ētahi atu • he aha i whakamahia ai e au ētahi mōmō pātai. 	<ul style="list-style-type: none"> • te tuku taunakitanga mō taku rangahau tautauāmōa i te horopaki o taku uiui pāngarau • te tuku take tauanga mō te kuhuna, mō te kore rānei o ētahi pātai i kuhuna ki te uiui • te whakamārama i te whakapakari, i te hononga rānei, o tētahi pātai ki tētahi atu, ā, he aha te hāngai o tēnei ki te pūtake o te uiui pāngarau • te huritao e pā ana ki ngā herenga o taku uiuinga whānui, me ōna hīraunga mō te whakatutuki a taku uiui whakamutunga i tōna pūtake • te kōrero e pā ana ki te whakawhānui i te pūtake o taku uiui pāngarau, tae atu ki ngā panonitanga me mātua whakarite e au e tutuki ai i te uiui nei ērā āhuatanga.
--	---	--



He kupu ārahi mō te aromatawai

Kei te puka ākongā nei ētahi kupu ārahi mō tō aromatawai e mārama ai koe ki ngā mahi me mātua whakaoti e koe e eke ai ō mahi ki te taumata o te Kaiaka me te Kairangi.

Ngā whai whakaaro

I a koe a mahi ana i tēnei kōwae, ka kite koe i te tohu whai whakaaro nei. Ko tā te tohu nei he whakamōhio i a koe he mahi hirahira e haere ake nei me mātua whakatutuki e koe mō te tukanga waihanga uiui pāngarau. He wāhanga nui tō ia whai whakaaro mō tō aromatawai, nō reira me whakaae te kaiako ki ō mahi – kua e mawhiti whakamua.



Kei te tūtohi o raro te whakarāpopototanga o ngā herenga o ia whai whakaaro. Whai muri i te uiuinga, kei ia Whai Whakaaro ētahi tauira o ngā pātai hei whakautu māu hei kōhi i ngā taunakitanga e hiahaitia ana mō tō pūrongo.

Whai whakaaro tuatahi: Te pūtake, te hunga mā rātou ngā raraunga, me te taupori whāiti

Kua oti i a au:

- te tautuhi te horopaki o taku tūhuratanga me ngā whāinga rangahau o taku uiui pāngarau
- te whakamārama ngā raraunga ka kohikohia e taku uiui pāngarau
- te whakamārama te hunga mā rātou ngā raraunga o taku uiui pāngarau
- te whakamārama ngā huarahi e taea ana ngā raraunga te whakamahi
- taku taupori whāiti te tautuhi.



Whai whakaaro tuarua: Te uiui pāngarau hukihuki tuatahi

Kua oti i a au:

- tētahi rārangi pātai hukihuki te whakarite
- ngā momo pātai rerekē te whakamahi
- te whakamārama te hāngai o aku pātai ki taku pūtake
- te whakamārama te take i kōwhiria e au ētahi momo pātai.

Whai whakaaro tuatoru: Te arotake whānui

Kua oti i a au:

- te whakarite taunakitanga mō tāku ake arotake whānui
- te whakarite taunakitanga mō te arotake a tētahi atu i taku uiui pāngarau
- te tautohu ngā āhuetanga hei panoni i taku uiui pāngarau, e ai ki te arotake whānui.

Whai whakaaro tuawhā: Te uiui pāngarau hukihuki tuarua

Kua oti i a au:

- taku uiui pāngarau te hōmiromiro
- aku panonitanga te whakamārama.

Whai whakaaro tuarima: Te uiuinga whānui tōmua

Kua oti i a au:

- tētahi uiuinga whānui tōmua te whakahaere me taku uiui pāngarau hukihuki
- ngā whakautu o taku uiui pāngarau tuatahi te whakarato
- taku uiui pāngarau te tātari, e ai ki ngā whakautu o te uiui tuatahi
- te whakamārama he aha hei whakatika māku e pai ake ai taku uiui.

Whai whakaaro tuaono: Te uiui pāngarau whakamutunga

Kua oti i a au:

- ngā panonitanga o taku uiui pāngarau te panoni me te whakamārama
- te arotake whānui e kore ai ētahi hapa hou e kuhu i ngā panonitanga
- tētahi tāruatanga o taku uiui pāngarau whakamutunga te whakarato.

He mea whakarite ngā pātai me ngā anga o raro nei e ai ki ngā 'Whai Whakaaro', ā, he raupapa tēnei hei whakamahi māu i tō pūrongo.

Whai whakaaro tuatahi: Te pūtake, te hunga mā rātou ngā raraunga, me te taupori whāiti

Tautuhia te horopaki o tō tūhuratanga me ngā whāinga rangahau o tō uiui pāngarau.

- Whakamāramatia ngā raraunga ka kohikohia e tō uiui pāngarau.
- Whakamāramatia te hunga mā rātou ngā raraunga o tō uiui pāngarau.
- Tautuhia tō taupori whāiti.

Horopaki/ kaupapa	He aha te horopaki/kaupapa ka rangahaua e koe? He aha i kōwhiria ai e koe tēnei horopaki/kaupapa?	<hr/> <hr/> <hr/> <hr/> <hr/> <hr/> <hr/> <hr/>
Te pūtake me te hunga mā rātou ngā raraunga o tō uiui pāngarau	E waihanga ana koe i tēnei uiui pāngarau mō wai? Ka ahatia pea ngā raraunga ka kohia e koe?	<hr/> <hr/> <hr/> <hr/> <hr/> <hr/> <hr/> <hr/>

<p>Te taupori whāiti</p>	<p>Ko wai mā te taupori whāiti? Me whakauru ngā mōhiohio matua pēnei i te wā, i te wāhi, me te pakeke.</p> <p>He aha i kōwhiria ai e koe tēnei taupori whāiti?</p>	<p>.....</p> <p>.....</p> <p>.....</p> <p>.....</p> <p>.....</p>
<p>Ngā whāinga rangahau</p>	<p>Kei te pirangi mōhio koe ki te aha?</p> <p>Me wāwāhi ō pūtake whānui ki ngā rōpū iti e toru, e whā rānei.</p>	<p>.....</p> <p>.....</p> <p>.....</p> <p>.....</p> <p>.....</p>
<p>Ngā raraunga</p>	<p>He aha ngā raraunga e hiahiatia ana kia kohikohia e koe?</p> <p>Ka pēhea te tātaria o ēnei raraunga?</p>	<p>.....</p> <p>.....</p> <p>.....</p> <p>.....</p> <p>.....</p>

Whai whakaaro tuarua: Te uiui pāngarau hukihuki tuatahi

Tuhia tō uiui pāngarau hukihuki tuatahi.

- Whakaritea tētahi rārangi pātai tuatahi
- Kia rerekē ngā momo pātai
- Whakamāramatia te hāngai o ngā pātai ki tō pūtake
- Whakamāramatia te take i kōwhiria ai e koe ētahi momo pātai.

Ka āhei tō whakamahi i te tūtohi o raro hei whakamārama i āu whakataunga, ki te whakamārama hoki/rānei i te pānga o ngā wāhanga rerekē o tō uiui pāngarau ki tōna pūtake.

	Te tuhinga hukihuki	Te whakamārama/hononga ki te pūtake
Ingoa
Kupu whakataki
Te whakaae i runga i te mōhio
Te pātai tātari
Ngā pātai

Ngā whakahokinga kōrero	<p>.....</p> <p>.....</p> <p>.....</p>	<p>.....</p> <p>.....</p> <p>.....</p>
He tauākī mihi	<p>.....</p> <p>.....</p> <p>.....</p>	<p>.....</p> <p>.....</p> <p>.....</p>

Whai whakaaro tuatoru: Te arotake whānui

Arotakengia whānuitia tō uiuinga whānui hukihuki.

- Whakaratoa ngā taunakitanga o tāu ake arotake whānui
- Whakaratoa ngā taunakitanga o te arotake whānui a tētahi atu i tō uiui pāngarau
- Tautohua ngā āhuatanga me panoni e koe i tō uiui pāngarau, e ai ki te arotake whānui.

Ka āhei tō whakamahi i te tūtohi nei ki te whakarāpopoto i ngā kitenga o te arotake whānui:

	Ngā pātai arotake whānui	Aku mahi hei urupare i te arotake whānui
Te pūtake	He pātai rānei kāore e tino kitea ana te hononga ki taku pūtake? Mēnā e pērā ana, ko ēhea pātai?	<p>.....</p> <p>.....</p> <p>.....</p>
Te taupori whāiti	He pātai rānei kei te tīmatanga e tātari ana i te taupori whāiti?	<p>.....</p> <p>.....</p> <p>.....</p>

<p>Te reo</p>	<p>He mārama ngā pātai, he ngāwari hoki te whai atu? Ki te kore, ko ēhea pātai me panoni?</p> <p>Kua tuhia ngā pātai i te reo o ia rā?</p>	<p>.....</p> <p>.....</p> <p>.....</p> <p>.....</p>
<p>Te tātaki kupu me ngā tikanga wetereo</p>	<p>E tika ana rānei te tātaki o ngā kupu?</p> <p>E tika ana rānei ngā tikanga wetereo?</p>	<p>.....</p> <p>.....</p> <p>.....</p> <p>.....</p>
<p>Te takoto</p>	<p>He ngāwari te pānui i te momotuhi?</p> <p>E tika ana rānei ngā tau?</p>	<p>.....</p> <p>.....</p> <p>.....</p> <p>.....</p>
<p>Te wairua</p>	<p>E rere ana rānei te reo whakahoahoa me te reo huatau?</p>	<p>.....</p> <p>.....</p> <p>.....</p> <p>.....</p>
<p>Ngā tohutohu</p>	<p>E mārama ana rānei ngā tohutohu ki te whakautu i ia huinga pātai?</p>	<p>.....</p> <p>.....</p> <p>.....</p> <p>.....</p>
<p>Ngā wāhanga</p>	<p>I whakarōpūhia rānei ngā pātai e ōrite ana te kaupapa?</p> <p>I ōrite rawa ētahi pātai, me te aha, kāore i tino whai hua?</p>	<p>.....</p> <p>.....</p> <p>.....</p> <p>.....</p>

Te rere	<p>E tika ana rānei te raupapa o ngā pātai?</p> <p>E pai ana te tuituia o ngā pātai?</p>	<p>.....</p> <p>.....</p> <p>.....</p> <p>.....</p>
Te roa	<p>He maha rawa rānei ngā pātai?</p>	<p>.....</p> <p>.....</p> <p>.....</p> <p>.....</p>

Whai whakaaro tuawhā: Te uiui pāngarau hukihuki tuarua

Waihangatia tētahi uiui pāngarau hukihuki tuarua. Whakamāramatia āu panonitanga.

Kia mōhio mai koe: Ka āhei tō whakamārama i ngā panonitanga mā ngā pouaka tākupu i tētahi puka ā-hiko, te tuhi rānei ki te tūtohi kei raro iho nei.

Ngā panonitanga	Ngā take i panonitia ai
<p>.....</p> <p>.....</p> <p>.....</p>	<p>.....</p> <p>.....</p> <p>.....</p>
<p>.....</p> <p>.....</p> <p>.....</p>	<p>.....</p> <p>.....</p> <p>.....</p>
<p>.....</p> <p>.....</p> <p>.....</p>	<p>.....</p> <p>.....</p> <p>.....</p>

.....
.....

Whai whakaaro tuarima: Te uiuinga whānui tōmua

Me whakahaere tētahi uiuinga whānui tōmua.

- Whakaratoa ngā whakautu ki tō uiuinga whānui tōmua
- Tātarihia tō uiui pāngarau, e ai ki ngā whakautu o tō uiuinga whānui tōmua
- Whakamāramatia ngā mahi me oti i a koe hei whakapai ake i tō uiui pāngarau.

Whakarāpopotohia ngā whakahokinga kōrero i tukuna ki a koe i tō uiuinga whānui tōmua. Ka hiahia pea koe ki te whakamahi i te tūtohi o raro nei hei ārahi i a koe.

	Ngā pātai	Aku mahi hei urupare ki te uiuinga whānui tōmua
Te pūtake	He pātai āku kāore e tino kitea ana te hononga ki taku pūtake?
Te taupori whāiti	He pātai rānei i te tīmatanga e tātari ana i te taupori whāiti?

<p>Te reo</p>	<p>I mārama ngā pātai, i ngāwari te whai atu? Ki te kore, ko ēhea pātai me panoni?</p> <p>Kua tuhia ngā pātai ki te reo o ia rā?</p>	<p>.....</p> <p>.....</p> <p>.....</p> <p>.....</p>
<p>Te tātaki kupu me ngā tikanga wetereo</p>	<p>E tika ana rānei te tātaki o ngā kupu?</p> <p>E tika ana rānei ngā tikanga wetereo?</p>	<p>.....</p> <p>.....</p> <p>.....</p> <p>.....</p>
<p>Te takoto</p>	<p>He ngāwari te pānui i te momotuhi?</p> <p>E tika ana rānei ngā tau?</p>	<p>.....</p> <p>.....</p> <p>.....</p> <p>.....</p>
<p>Te wairua</p>	<p>E rere ana rānei te reo whakahoahoa me te reo huatau?</p>	<p>.....</p> <p>.....</p> <p>.....</p> <p>.....</p>
<p>Ngā tohutohu</p>	<p>I mōhio ngā kaiurupare me pēhea te whakautu i ia huinga pātai?</p>	<p>.....</p> <p>.....</p> <p>.....</p> <p>.....</p>
<p>Ngā wāhanga</p>	<p>I whakarōpūhia rānei ngā pātai e ōrite ana te kaupapa?</p> <p>I ōrite rawa ētahi pātai, me te aha, kāore i tino whai hua?</p>	<p>.....</p> <p>.....</p> <p>.....</p> <p>.....</p>

Ngā kōwhiringa whakautu	<p>I pai rānei ngā kōwhiringa whakautu mō ia pātai?</p> <p>I nui rānei ngā whakautu “Aua”, “He mea kē” rānei?</p>	<p>.....</p> <p>.....</p> <p>.....</p> <p>.....</p>
Te rere	<p>E tika ana rānei te raupapa o ngā pātai?</p> <p>E pai ana te tuituia o ngā pātai?</p>	<p>.....</p> <p>.....</p> <p>.....</p> <p>.....</p>
Te roa	<p>He maha rawa rānei ngā pātai?</p> <p>I pēhea nei te roa o te whakaoti i te uiui pāngarau?</p>	<p>.....</p> <p>.....</p> <p>.....</p> <p>.....</p>
He whakaaro/ tirohanga anō	<p>.....</p> <p>.....</p> <p>.....</p> <p>.....</p> <p>.....</p>	

Whai whakaaro tuaono: Te uiui pāngarau whakamutunga

Whakaotihia tō uiui pāngarau whakamutunga.

- Panonitia, whakamāramahia hoki ngā panonitanga ki tō uiui pāngarau
- Arotakengia whānuitia e kore ai e kuhu ētahi hapa hou
- Whakaratohia tētahi tāruatanga o tō uiui pāngarau whakamutunga.

Kia mōhio mai koe: Ka āhei tō whakamārama i ō panonitanga mā ngā pouaka tākupu i tētahi puka ā-hiko, mā te tuhi rānei ki te tūtohi i raro iho nei.

Ngā panonitanga	Ngā take i panonitia ai
<p>.....</p> <p>.....</p> <p>.....</p>	<p>.....</p> <p>.....</p> <p>.....</p>
<p>.....</p> <p>.....</p> <p>.....</p>	<p>.....</p> <p>.....</p> <p>.....</p>
<p>.....</p> <p>.....</p> <p>.....</p>	<p>.....</p> <p>.....</p> <p>.....</p>
<p>.....</p> <p>.....</p> <p>.....</p>	<p>.....</p> <p>.....</p> <p>.....</p>
<p>.....</p> <p>.....</p> <p>.....</p>	<p>.....</p> <p>.....</p> <p>.....</p>

Whai whakaaro tuawhitu: Te huritao ki te tukanga waihanga uiui pāngarau

Pānuitia katoatia ngā pātai i raro nei, ka whakautu ai i ngā mea e toru, neke atu rānei.

- He aha ngā mea e toru kua ako nei koe mō te waihanga uiui pāngarau? Ki te mahia anō, he aha ngā mea rerekē ka mahia e koe?
- I pēhea nei te hira o te arotake whānui me te uiuinga whānui tōmua mō te whakatutuki a te uiui pāngarau whakamutunga i tōna pūtake?
- I pēhea nei te hāngai o tō uiui ki tōna pūtake? I kitea rānei ētahi āputa?

- He aha ētahi huarahi tūhura atu anō hei tirohanga māu e hāngai ana ki ngā whāinga o tō rangahau?
- He aha rā ngā hononga i waenganui i tō rangahau, i te pūtake o tō uiui pāngarau, me tōna āhua whakamutunga?
- Ko ēhea wāhanga o tō waihanga uiui pāngarau ka whakaiti pea i ngā hapa tīpako-kore? Ka pēhea tā tēnei āwhina i te whakatutukihanga o te uiui pāngarau i tōna pūtake?
- Ka ngāwari rānei te tātari i ngā raraunga ka kohia e tō uiui pāngarau? I whakarerekētia rānei ngā pātai i uia e koe, e ngāwari ake ai te tātarianga?
- He aha ō tohutohu ki tētahi atu ākonga e whakaoti ana i te paerewa paetae nei?

1)

.....

.....

.....

.....

.....

2)

.....

.....

.....

.....

.....

3)

.....

.....

.....

.....

.....